

# Instrucziuns dal Cussegli federal davart la promozion da la plurilinguitad en l'administraziun federala\*

## (Instrucziuns davart la plurilinguitad)

dals 27 avust 2014

---

*Il Cussegli federal svizzer  
relascha las suandantas instrucziuns:*

### 1 Object e champ d'applicaziun

- 11 Questas instrucziuns completteschon las directivas per promover la plurilinguitad en l'administraziun federala tenor ils artitgels 6–8c da l'Ordinaziun da linguis dals 4 da zercladur 2010<sup>1</sup>.
- 12 Ellas valan per unitads administrativas tenor l'artitgel 1 alinea 1 literas a e b da l'Ordinaziun dals 3 da fanadur 2001<sup>2</sup> davart il persunal da la Confederaziun (OPers), cun excepziun da quellas che appartegnan al sectur da las scolas politecnicas federalas.

### 2 Equalitat da las schanzas per ils emploiadis da las differentas cuminanzas linguistiques

- 21 Als emploiadis duain vegnir mess a disposizion meds d'agid sco dicziunaris, per ch'els possian lavurar en la lingua uffiziala da lur tscherna.
- 22 En preschientscha da personas che n'enclegian betg il dialect sto vegnir discurrida la lingua uffiziala en sia furma da standard.
- 23 Emploiadis che n'en betg engaschads explicitamain sco translaturs dastgan far mo en cas excepziunals lavurs da translazion.
- 24 La promozion da la plurilinguitad en l'administraziun federala vegn integrada en la purschida dal Center da scolazion da l'administraziun federala (CSAF) ed en curs ed en occurrentzas dals departaments e da las unitads administrativas.
- 25 Las unitads administrativas promovan la meglierazion da las enconuschienschas linguistiques da lur emploiadis e la communicazion interculturala. Il CSAF e las unitads administrativas procuran ch'ils emploiadis hajan access a pussaivladads da la furmazion supplementara en

\* Las designaziuns da personas, da funcziuns e da professiuns en questa lescha valan tant per personas femininas sco er masculinas

<sup>1</sup> CS 441.1

<sup>2</sup> CS 172.220.111.3

tudestg, franzos e talian, particularmain en ils secturs da l'instrucziun da cader e da la promozion da la generaziun giuvna.

### **3 Represchentanza da las cuminanzas linguisticas en l'administraziun federala**

- 31 Sch'ina cuminanza linguistica è sutrepeschentada en in'unitad administrativa, vegni rendì attent en la publicaziun da la plazza che candidaturas da persunas da questa cuminanza linguistica sajan spezialmain bainvisas.
- 32 Plazzas libras ston vegnir publitgadas en tudestg, en franzos ed en talian. Sche la publicaziun vegn fatga en las medias stampadas, sto ella vegnir fatga en las medias stampadas da tut las regiuns linguisticas. Sche la publicaziun ha en mira d'engaschar ina persuna d'ina minoritad linguistica, po ella er vegnir publitgada mo en la regiun linguistica respectiva.
- 33 Cun giuditgar las annunzias ston las persunas ch'en responsablas per il personal examinar objectivamain ils dossiers e tegnair quint adequatamain da las differenzas culturalas tar la redacziun da documents d'annunzia.
- 34 Las persunas che vegnan envidadas ad in discurs d'annunzia dastgan s'exprimer en la lingua uffiziala da lur tscherna.
- 35 Cun installar gruppas da lavur ed auters gremis sco er cun surdar incumbensas procuran las unitads administrativas per ina represchentanza commensurada da las cuminanzas linguisticas. Per occupar las cumissiuns vala l'artitgel 8<sup>e</sup>bis da l'Ordinaziun dals 25 november 1998<sup>3</sup> davart l'organisaziun da la regenza e da l'administraziun.
- 36 Las unitads administrativas procuran che represchentants da las differentas cuminanzas linguisticas sa chattan tranter ils referents spezialisads ch'en vegnidls envidads als seminaris, als colloquis ed ad outras occurrentzas che l'administraziun ha organisà.

### **4 Enconuschienschas linguisticas dal personal federal**

- 41 Per mintga plazza vegnan determinadas las enconuschienschas linguisticas necessarias tenor la Norma europeica communable per linguas (NEC) e fixadas en la descripziun da la plazza.
- 42 En mintga publicaziun d'ina plazza ston vegnir menziunadas – ultra da las pretensiuns linguisticas colliadas cun la funcziun – er las enconuschienschas linguisticas ch'en necessarias tenor l'art. 8 OLing per la plazza che sto vegnir occupada.

<sup>3</sup> CS 172.010.1

- 43 Las enconuschienschas linguisticas dals candidats ston vegnir resguardadas en il rom da l'evaluaziun dals documents d'annunzia e verifitgadas avant l'engaschament.
- 44 Las enconuschienschas linguisticas dals employiads èn sin mintga stgalim ierarchic ina part integrala dal giudicament annual da la prestazion.

## 5 Competenzas

- 51 Tar il giudicament dals employiads, en spezial dals caders, vegn resguardada lur contribuzion a la promozion da la plurilinguitad.
- 52 En il rom dal giudicament da la prestazion examineschan ils caders, sche lur collavuraturi èn vegnids dischavantagiads pervia da lur appartegnientcha ad ina tscherta cuminanza linguistica e sch'els han già la pussaivladad da frequentar curs da lingua.
- 53 Ils spezialists en fatgs da persunal sustegnan e cussegliant ils caders ed ils collavuraturi tar tut las dumondas en connex cun la promozion da la plurilinguitad. Els procuran che las pretensiuns tenor las cifras 31–33, 41 e 42 vegnian observadas tar las publicaziuns da plazzas.
- 54 Ils departaments e la Chanzlia federala engaschan persunas ch'en responsablas per la promozion da la plurilinguitad. Els vegnan sustegnidz da quellas persunas tar la realisazion da las finamiras strategicas ed èn commembraas da la gruppera da coordinaziun interdepartamentalal sut la direcziun dal delegà per la plurilinguitad.
- 55 Las unitads administrativas pon designar persunas ch'en responsablas per la promozion da la plurilinguitad. Ellas vegnan sustegnidz da quellas persunas tar la realisazion dal catalog da mesiras, tar las mesiras da sensibilisaziun e tar l'applicaziun da las directivas da questa instrucziun.

## 6 Disposiziuns finalas

- 61 Las Instrucziuns davart la plurilinguitad dals 22 da schaner 2003<sup>4</sup> vegnan abolidas.
- 62 Questas Instrucziuns èn entradas en vigur il ...

...

En num dal Cussegl federal svizzer

Il president da la Confederaziun: Didier Burkhalter

La chanceliera federala: Corina Casanova

<sup>4</sup> Fegl uffizial federal 2003 1441

Instrukcions davart la plurilinguitad

---